

邃懷堂哀忠集



哀忠集二編

國朝  
赤緯圖  
書錄

粵匪蔓延數省忠烈相望自有國史紀載  
毋庸徧為作誄有平生親故伯高訃至移節  
別省舊為屬吏及素仰賢聲略知未會  
則空餘事迹其哀詞另錄一册以別江右

章丁黃州府知府署漢黃德道子逢徐公

名豐玉安徽桐城縣人詠之方伯之子

太守循聲在人口太守殺賊膽如斗孫恩戰艦來武

昌十萬水犀踏波走火瓢飛弩百道紅太守獨立猶

當風背江督陣陽邏鎮黑雲壓日天昏蒙鄉兵潰遁

遂懷堂哀忠集

二編

一

空追悔刀斷劉唐尺八腿黃巾雖拜鄭公車九泉誓

作睢陽鬼兩湖天塹失漢黃潯皖白下無金湯舳艫

千里燼一炬令人弔古思周郎燕山晉水同遊地三

載雲亭曾問字翩翩瘦弱不勝衣出匣干將吐虹氣

章江潮接縱江潮絮酒生芻歌大招致身忠孝復何

恨空餘老淚沾青袍子逢戰死田家鎮失其一腿賊  
言此入官聲甚好刻木為腿補

之殮以二品頂戴并傳令護其家屬勿使流離桐  
城姚星墀貳尹述其事子逢侍宦燕晉從余受業

追賞道銜前任廣西巡撫鍾泉鄒公

諱鳴鶴江蘇無錫縣人丁丑進士



虎踞龍蟠作戰場忠心猶誓守金湯生平文字成孤憤死後庸臣有劾章

某劾公有病不能効力章發甫一日而公已戰死城下

在黃河蕭傲堰魂依白下誌公房

一說公自益僧舍

蘭陵酒

美祠中酌神飲還能盡百觴

公嘗語予少年時能飲酒五斗

上元縣知縣清溪劉公

名同纓江西石城縣人 進士

百姓遮道呼還我好父母公笑謂賊曹好官不逃走

二妾跪牽衣乞公賜匕首騎鳳各飛去精光貫牛斗

工部員外郎 馬公

遼懷堂袁忠集

二編

二

諱元瑞安徽桐城縣人嘉慶乙丑進士由庶常改官工部

茫茫浩劫向誰論碧血淋漓慘一門

一家共十一人無地可

埋忠孝骨有天難問死生冤巢傾豈望留完卯祛斬

何須越短垣三百義兵舒國起周郎城下又招魂

公長

子三俊優貢生招集義勇隨官兵起舒城勦賊甲寅六月駐紮周瑜城被賊襲營力戰而死

兩湖總督甄甫吳公

諱文鎔江蘇儀徵縣人已卯進士

上元閨寂無燈市按劍吳璘尚誓師

殉節在甲寅春正月十五日

事錯前人誰鑄鐵心爭大節已騎箕文山吞腦空坑

日傳聞公清獻焚香蜀郡時公在江西節署每晨起必焚香九拜功過

蓋棺方論定忠魂風雨泣湘湄甲兵父未贈天式

安徽巡撫兵部侍郎兼都察院右副都御史岷

樵江公同本文嶽山縣人

重謝手諱忠源湖南新寧縣人舉人署浙江秀水知縣丁艱回籍粵西寇起投効軍營

天生李晟為社稷束髮雄心掃妖孽公往廬州賊膽

寒公去西江士民泣衝城賊入賊圍公衝城公出公

圍賊陰風慘澹軒轅旗殲厥渠魁始朝食七省扼險

南豫州即廬州東吳脣齒淮噤喉俟公神算指揮定橫

邃懷袁忠集二編 三

江采石無留舟公能久守合肥金陵在其掌中矣出師未捷旄頭墮

陣陷孤虛箭瘡裏堂堂燕領飛將軍輕敵何須殉公

麼金斗半壁長城傾留鎮洪都事亦可公生赤子倚

慈母公死黃巾賀杯酒羅藝泉臺一笑逢再生褒鄂

重攜手指羅神羅山即湖南常德宜興人方舉人晉誌

湖北布政使司布政使羅山羅公

交諱澤南湖南湘鄉縣人廩生白福時時

江連潯鄂艦連營小范胸中富甲兵父老籲天方借

寇江西五將星墮地竟亡彭丹青一代垂遺像縞素



三軍哭失聲戡亂有才偏短命彼蒼未欲掃鯢鯨

纔洗衡陽甲仗埃長城萬里失奇才碑文尚有光芒

起公克復弋陽廣信二城捐廉三百金修葺郡城謝文節公祠自爲碑記文甚奇崛知忠節出於天性

兵法都從性理來公在軍中接見官紳輒談程朱性理之學不言軍務淡泊明

心甘苜蓿公由廣文保舉以功授甯紹台道始終未離軍營經綸入手布雲

雷靈旂歸指三湘路故里招魂楚些哀小立驚峯

署湖北通山縣事卽用知縣熙堂陳公亦曰其

名景雍河南商邱縣人王子進士

我交程不識杯酒時相傾入坐逢少年溫雅爲陳生

遼懷堂袁忠集 二編 四

在程卧梅大令坐間干將未出匣已露光晶熒雛鳳方養翻已

解騰雲程與我論詩律推服劉長卿與我談六韜法

識孫吳兵頗誇量犬戶呼童樹巨觥其才壓元白其

氣吞幽并轉眴四五年雁塔題香名恨不立鰲峯無

路登蓬瀛飛鳧駐江漢從政通山城片言折疑讞父

老稱神明武甯有潰賊蜂蟻來屯營石航勢陡險一

夫良足攫三戰獲三捷辟易黃巾驚詎知逞詭計僞

作鄉編氓流涕叩馬首謂賊匿巖阮公速整旅往立

可殲鯢鯨孤軍遂深入以致亡岑彭魂遊飛頭國印

緩腰間橫豫藏絕命詞字跡猶工精王孫昔豪宕厲

鬼今猗猶緬懷崇禎季君家世簪纓血疏伸義憤防

亂懲陪京定生先生事天下大布衣聖主蒲輪迎玉堂

備顧問著作歌承平指迦陵先生祖孫聯氣脈豈隨朝代

更楹書守遺訓前後同忠貞科第列仕版鐵骨應錚

錚翠屏石塔間于載龍驤瑩君如享耆耇身比鴻毛

輕作詩當楚些九原倘酬賡蘇詩吏冠豈鼓華嚴戒

贈知府銜廣東從化縣知縣心畬李公謝大

大羅高名禮培江蘇無錫縣人壬午舉人

遷懷堂袁忠集二編五

大羅高會霓裳仙同譜惟君最少年卅載睽違鬢皆

雪梅關覲面嗟無緣君選授廣東從化令道經大庾

不作任囂南海尉卻作橫潭經術吏孫盧遺孽聚妖

氛烏石墟前忽張幟君泣從化未及二年鄰邑匪徒

勦殺賊數十人身受四傷賊即退竄未幾各邑匪黨

直撲廣州省城兼擾佛山鎮文報不通自募勇五百

人防堵而賊數千蜂至君迎戰於東門外賊又分股

陷北門而入君登尊經閣四面縱火賊聞聲降君怒

大罵以石擊傷數賊賊即架柴四面縱火縋城大呼

斫賊營六矢著面心不驚何物書生膽如此曉聞楚

幙烏烏聲五羊城郭圍倉猝花縣佛山烽火接紙鴛



信斷蠟丸遲漏洩軍情有秦謀北門鎖鑰誰監司守  
陣皆哭無降旗藏經一炬骨同燼蠻風蛋兩魂騎箕  
公之惠政在從化戶祝家尸祭於蜡公之戰績雲臺  
山佳傳應修馬與班珠江曾鼓沙棠槩道光入荔子九年事  
堆盤猶夢想他年醑酒登孟城犧牲雞卜神其享

王晉前兵部侍郎降補三四品京堂安徽學政蘭檢

孫公

諱銘恩江蘇通州人乙未進士逆匪竄至太

平公適駐節府城罵賊被執不屈遇害事見

南州

即抄或傳被賊繫獄絕粒死或傳被劫登舟

投水死皆妄也

六

遼懷袁忠集

二編

南州遙駐客星鞍

東晉時以太烽火連江殺氣攢強

寇頭終千里白使臣心有一腔丹人憐李密遲陳表

公以親老多病疏請終養得旨申飭仍邀天召

俞允及飭督團練之命下而公已殉節太平

王喬早賜棺公聞逆匪欲犯太平回憶臺關同話舊

半窗風雨夜將闌咸豐壬子公典試廣東大

雨不能度嶺留南郡二日

內閣中書加侍讀銜小亭鍾公

名淮江蘇江都縣人辛卯舉人

血波添作曲江潮花月繁華一霎銷有客尙齋磨鏡  
具弔君何處認虹橋

毀家紓難黃金盡殺賊捐軀白骨新  
禹筴更張巖業廢此中磨耗幾才人

公傾貲募勇千人堵禦賊至新城力戰而死

江蘇巡撫兵部侍郎兼都察院右副都御史雨

吉爾杭阿公

滿洲新林旗人殉難在高資鎮

援救親提一旅師中途猝遇郅支旗功留滬瀆山松

壘淚墮襄陽叔子碑披髮招魂空野祭握拳透爪認

輿尸故鄉尺素來江右都是吳民感戴詞面

福建糧儲道蔗村王公

遼懷堂哀忠集 二編 七

名訓陝西同州府郃陽縣人戊戌進士

紅巾夜闖杉關開東臯烽火連七臺一軍面色成煤

始材官棄甲嘲于鬚書生莫笑無韜勇臨難安能惜

頭項鄉兵烏合豕駭奔屹坐王羆身似塚九龍山窟

長蛇伏內有綠林引青犢先生單騎登陴哭手按靴

刀電流目天上朝京待控鸞梁間抗首如飛鶴

屍縣梁上昇之以去十年江右稱同官我離席帽君

豸冠金章犀帶渡閩海邢溝賊阻飛芻難厯劫不磨

是正氣皮囊何必藏朱楫監軍使者空持節兵潰孫



吳無善策青史留名心自丹黃鑪感舊頭增白

邃懷堂袁忠集

全編

八



哀忠續集三編

邃懷堂居士未定稿

余作哀忠集或謂本省遺漏尚多必須補入者外省死節諸忠雖見邸鈔而籍隸何邑甲乙何科未能詳悉間有親屬于里郵書述其事迹乞作輓詞者十之一二耳戊午二月至五月賊匪兩次犯境幸未圍城四鄉蹂躪不堪七月十五日江山浦城大股逆匪三萬餘眾圍攻玉城幸兵勇效命百姓登陴竭七晝夜之力危城得以保全半年中誠無暇擱管茲引疾去任退居民廬乘桑榆間暑泚筆為之以續前集

候補縣丞若舟史公

名書勳鎮江府溧陽縣人

邃懷堂哀忠集

三編

家世瑯邪舊著名烏衣子弟鐵錚錚鯉庭舉業親傳

稟尊甫琴山太守以制藝鳴吳下虎帳參謀欲請纓魯肅故交困可

指枚生刺史杞梁孀婦柩難迎讀書種子原強項心

比投金瀨水清賊見君年少屢次脅降不屈

玉山縣太平司巡檢前任金州廳同知綏之安

公

名常內務府正白旗漢軍某佐領下人

河橋罵賊餐刀日懷玉孤城方解圍玉山被圍後五日江山逆匪從

廣豐僻逕竄入太平橋君率團勇堵禦陣亡司馬頭銜身後復中丞奏請開復同



知照同知孫女每夢見控鸞魂魄夢中歸君殉節後安宜人及其

例賜卹孫女余迎居署中宜人公無不同夢訟庭民有青天譽邏騎官同赤尉微思

子臺高空悵望珠山烽火尺書稀公令子慶貳尹署

邵武建甯賊匪皆竄入汀州安汀州府歸化縣聞宜人因久無音信頗以爲憂

追贈朝議大夫世襲雲騎尉原任浙江海甯州州判

韓亦韓嚴公名錦堂安徽桐城縣人

世無孟堅才誰爲表循吏世無歐公筆誰爲錄忠義

兩京迄五代人物豈凌替先生樅陽秀分佐當湖治

邃懷堂哀忠集

英俊沈下僚胸吐干將氣薦剡達 楓宸云是龔黃

器墨綬早垂膺仙鳧待騫翅養疴龍眠山六經心尙

醉青犢寇桐城紛若飛蝗墜欲圍子弟兵眾寡奈殊

勢且違蝸觸場暫擇鳩安地令子作參軍蒲輪千里

至婺州好山水杖履供遊憩詎知馬文淵矍鑠鞍能

據大吏喜入 告起病襄軍事整旅駐宣城星霜又

週歲海昌借長才題輿分半刺竹馬迎使君幸沐棠

陰庇比戶督耕織壯丁習射騎練成忠孝軍守戰皆

儲備不虞蛇蝎徒勾引豺狼類被襲貳師營對陣逢

歸忌遂致來君叔七首中腰次部曲憤務面父老悲  
流涕煌煌綸綍頌異數邀葬祭屹屹長安祠豐裨  
枕鼯屬佳傳藏史宓世職榮芳裔浩氣還太虛靈爽  
顯祈賽公鄉有先賢無愧左忠毅  
花翎候選參將加副將銜壽巖胡公

名定國廣西人

危城百雉保豐溪隻手真能釣海鯢君以千人力守

楊七國宗一旅移師貌徙帳君自玉山移防衢州復

於城下月而九重褒詔鳳銜泥以廣豐守城功臨危虎將

陣亡

三編

三

成孤注兵勇奔潰君獨入險虬驄奈蹶蹶以馬蹶墮

地被賊一人持矛力戰兩載籌防尋舊壘忠魂應到武安西君駐防

載武安玉

浙江撫標守備加都司銜旭堂蔡公

名捷三台州府黃巖縣人

箬山高出仙霞嶺鑛寇前明枹鼓警浦城潰賊亂如  
麻五校五樓齊壓境競病詩諧蔡興宗橫矛吐氣干  
蜺虹棄城文吏跳而走攫城公獨當臨衝出郭揚旗  
誘狂敵忽驚四面飛狼烽荒谷伏兵被邀截公孫白



馬圍重重吁嗟街亭誤輕戰况有奸弁謀內變男兒  
風骨鋼百鍊好頸自揮屬鏖劍招魂欲陟功曹山公  
騎赤豹雲中還公駐防玉山前  
後約五月餘

藍翎都司銜金華營協鎮中軍守備捷三江公  
名長元河南衛輝府人

大南橋下失機謀壯士空歌丈八矛大南橋死地不  
可屯營識者諄

諄言之主牧野河山魂不返嶠陵風兩骨能收公殉  
節大

將不聽南橋下時賊旗徧插四野華勇不敢前同仇未遂飛

往收屍越十餘日始得棺殮面如生公由乾清門侍  
衛特擢是缺部曲招魂時

遂懷堂哀忠集 三編 四

夢見巡營叔子尙輕裘

上海營藍翎守備錦堂王公

名增貴松江府上海縣人

庚第辛楣滬瀆城三年分統射聲營如何不是陰陵

道忽散江東子弟兵大南橋之戰華勇陣亡一百  
數十人皆松江府太倉州人

瑯琊年少豹頭姿倉猝難收木下尸猿鶴沙蟲原有

別渥丹顏色似生時君殉節後二十餘日賊未遠竄  
余飭家丁及君親兵往殮君屍

眾人頭面皆腐爛不可  
辨識獨君顏色如生

族姪孫地觀哀辭

名寅太倉州寶山縣人

安樂相同患難同匹夫真慕古人風

地觀在上海與錦堂守戎交好

丁巳冬間來玉山招入營中襄辦文案賊捐軀已飽

飢鳶腹佐幙原無汗馬功白首如新言不負青燐結

隊氣猶雄九京應告先司寇異代仍孫亦效忠

同作

袁 翟 淞逸

東生姪孫陣亡詩以悼之

後果前因詎可知愚忠愚孝竟如斯兆誠先見誰

相信數莫能逃我亦疑人事雖然難測度天心斷

邃懷堂哀忠集

三編

五

不有差池獨憐為國捐軀日猶是醫親割股時

宜黃縣知縣藕村傅公

名培峯甘肅鎮番人丁未科進士

飛鳧萬里伊涼來不祥識語何為哉

公選授宜黃令以地當賊衝禁

其子弟隨行且曰臨難苟免我謝混平生重其姪隨

行惟有宏微才

一姪名石階隨侍任所

憶在信陽識君面雙眸

閃爍光如電舉足思騰汗漫程置身欲讓循良傳黃

墳失利非其辜百姓倉皇眾口呼公今待罪公毋去

公去吾儕遭賊屠公雖不愛錢峙芻峙糗誰輸捐公



雖不惜死持戟誰爲敢死士知公舊令孚輿情故事  
遵循用孟明行間効力補前過綰印仍回臨汝城五  
幡鐵脛來光澤响响鳴聲夜鳴鏑巡陴不見一人登  
城外團營贖空壁公言隻手誠難撐此次終當盡臣  
職整冠服蟒坐堂皇斷舌含胡猶罵賊干霄正氣盤  
輪困江右科各有兩人從容就義不辱身公與竹虛  
章使君七年某月流寇將次圍城公誓以身殉百姓  
偽劫公以獻賊者擁之出城公以頭搶地曰  
汝等陷我不忠不孝及大軍克復宜黃公帶罪回任  
戊午八月賊又大至公諭百姓暫避服蟒坐大堂罵  
賊被害其姪或云  
逃出或云亦死

邃懷堂哀忠集

三編

六

候補知縣署安義縣知縣雲笈周公

名祖諱浙江仁和縣人

科舉人

仰獅峯頂照樓槍鐵騎衝城萬炬光葉令飛鳧難脫  
網丁仙化鶴未還鄉一腔碧血塗原野半載丹心鑿  
昊蒼漫說無能州縣吏空拳誰見搏豺狼

誥贈朝議大夫知府銜雲騎尉世職貴州准升知縣

定番州羅斛州判雪齋吳公

名瑞生江蘇吳縣人

伯顏自信當爲神賊見紅衣四面來官軍羅睺預示

殺賊期靈牀弓箭刀劍如騰飛忠臣授命出天性豈  
計名垂宇宙功鐫碑延陵三秀皆邦棟小宋才華齊  
大宋氣豪湖海推元龍吏屈風塵借雛鳳烏衣季子  
人中英弱冠遊梁侍鯉庭華萼樓高盛文讌鄒枚賓  
客能談兵吟詩江拱憑催鉢出塞終軍欲請纓一官  
捧檄之黔陽仙眷同浮吳楚江洞庭鄂渚攬奇勝佳  
句收入奚奴囊錦袍年少五花馬京兆鵬程風屢挫  
元戎僚佐借長才徐幹軍諮居上座九黎遺種分三  
苗負嵎逆命煩弓刀上功 丹陛稱第一眞除半刺

遼懷堂袁忠集

三編

七

乘朱軺八節灘連永安驛桐梓紅苗復從逆儲胥臺  
傍棘門開君筦勾稽硃墨冊露布平蠻磨盾書 恩

綸擢拜郎官職衝衢羅斛急需才父老迎官扶杖來  
鞭稍遙指鳳凰嶺山根雲黑成煤竄王尊叱馭原無  
避團練健兒岳家幟豺鳴鴟嘯屯板庚出郭先爲誘  
賊計借少田橫五百徒四十七人騰塗地君親恩重  
無可酬灑盡一腔忠孝淚任安杵臼兩模實代守危  
城城未棄 張君桐山孫君藕船 遙矚銀盤銅鼓聞忠  
有智略屬以城守事 魂化作長虹氣靈輻丹旒寄成都蜀道南歸萬里途



文山骸骨本全體匣中髮動驚妻孥吁嗟碧血零荆  
叢武侯祠畔生悲風前有朱光祿名萬年守黎平府城殉節後有

何雲從

何騰蛟字雲從明武英殿大學士

君騎箕尾參其中少微星

閃光熊熊

直隸州州判揀補向武州理苗州判署平樂府

平樂縣知縣鰲峯華公

名元超江蘇無錫縣人已酉科拔貢生

楊李花飛逐洪水

見廣西獨秀峯題壁詩

狐鳴倡亂粵西始養

癰流毒伊何人未向廁中扯脅死蠻疆土著皆獠

遼懷堂哀集

三編

八

綠崖攀樹輕猿淚涓滴不塞濫原野東南漸欲淪波

溝艇匪遊魂化魍魅不泛灘江走陸地

艇匪皆海夷之占城支岐

瓜哇真臘諸國敗類

華公慷慨獨登陴百姓倉皇勸公避蒞官

僅止一旬餘大吏原情免嚴議公言臣子事君婦事

夫一日致身束名義惡溪蜃霧迷牙旗橫刀自勒甘

如飴賊稱此漢好男子我輩勿復殘其屍偉哉錫山

秦楚金

無錫人

率丁巷戰銜石心三十三人同授命平

陵今日傳哀吟

秦君率家丁救護皆被害

君不見風鶴百里虛傳

聞幙下逃亡無一賓

浙江布政使司布政使惕安李公

諱續賓湖南湘鄉縣人附貢生

潯城六載賊作巢清人河上師逍遙臨淮虎臣智兼  
勇三旬克復殲羣梟捷章馳奏未央殿頭銜連帥加  
朱旄南豐幙下多傑士矯矯羅塔塔嫻戎韜旌旌變色  
李光弼臨陣必插靴中刀智亭塔軍門羅山羅方伯  
楊菴李方伯皆隸曾節帥  
麾下爲援師東指龍舒道大江南北爲通郊勝兵百  
所識拔戰氣驕蹇知公申誠脣疲焦三河隘口地雷起揮劍  
截髮聯鞭鞘忽驚背水置死地中權倒退衝前茅天  
遂懷堂哀忠集

三編

九

亡名將共悲陀上流黃漢防驚騷嗟哉兵火劫未銷  
忠魂化鶴殘烟霄他年畫像雲臺高未足酬公汗馬  
勞

候補同知溫甫曾公

名國華湖南湘鄉縣人廩生

南豐兄弟皆異才子固子布與子開九嶷秀靈毓楠  
梓六韜陣法揮風雷賊鯨竄擾三湘日班生早擲凌  
雲筆龍驤幙下贊神機吹澈墳篋復橫戟虎牙雁翼  
李愬營旬宣秉鉞方南征藉公帷幄備參佐尺書千



里招隨行草竊區區穎毫手一鼓作氣將成擒身入  
重圍外援絕紙鳶信斷周郎城行軍司馬仁者勇沙  
場同死尋前盟百六厄運三辰暗良將捐軀誰靖亂  
歛刺彭亡大局更英雄未了霑襟恨江東子弟散八  
千殘槍折鏃埋荒烟遊魂血污還攜手歸謁玉京帝  
座前

福建 營遊擊鴻儀賴公

名高翔福建 縣人

黃騶年少早從戎善戰名聞十郡中振翼澠池時未  
遂懷堂袁忠集 三編 十

矢乞師洪澤路難通鞘空已斷凌雲劍矢盡虛彎滿  
月弓欲弔忠魂芻一束獅江波浪起腥風 殉節在  
河口鎮

候補縣丞士清樊公

名俊湖南 縣人殉節在景德鎮

師律真嚴肅書生是軼才 約東部 下甚嚴 蕭然孤鶴峙 君氣  
度靜

毒甚萬蠡來沙柵牆難立 紫營立柵軍 軍船棹未  
中皆謂爲牆

開一軍隔河 威名原噲等蒿里奈歌哀  
未能濟援

奇兵營五品藍翎兩龔輓詞

名茂發名拱綸南昌縣人

鹿角親挑十二重鉤膺白馬作先鋒友于血性眞男

子人拜西京楚兩龔二君天性友愛每臨陣時兄在前則弟護之弟在前兄亦護之

崇朝連失豹頭姿感動軍心在此時賊圍玉城七月十七日城中選

精銳五百人開城出勦二龔持矛躍馬先衝入賊營

殺賊五人賊即卻退明日復戰弟被賊擒其兄獨入

賊營救弟同時遇害眾勇憤怒鏖戰良久殺賊數十

人奪屍而出兄猶全體弟已無頭是日余在堞樓目

覩其事爲之感歎可惜從征官未顯九原相見哭荆枝

浙江提督

巴圖魯良臣鄧公

諱紹良湖南乾州廳人

將軍功在鐵甕城傳檄千里狂獮驚疾戰江東走鄣

邃懷堂哀忠集

三編

士

郡宛陵七校連團營襟帶蘇常肘杭歙建瓴形勢如

磐石英雄扼險古所爭寸步鴻溝不可越相州師潰

九節度何况啼饑半招募罡風吹散八千烏主帥倉

皇作孤注敬亭山下碧燐飛坏土誰封鄧艾墓拋盔

棄甲由兵証兩淞儲胥亦告空雲端鶴馭倘能見血

淚定沾墨絳紅同心更有戴侍中睢陽張許稱雙忠

戴公未詳官職名字

樂安縣知縣錫銘靳公

名丹書河南祥符縣人丙申進士



酣戰誰揮半段槍長蛇封豕陷城隍徒興廣武英雄

歎終守吳兒木石腸安浦遊氛聲寂寂汴京歸魄路

茫茫潛師宵襲及曉城中遍插賊旗輿評卻與臺評異博得羣黎淚

數行

浦城縣知縣贍五劉公署浦城縣知縣

公東

賊圍浦城署令韓公登陴堅守一月不能拔

本缺劉公在任數年甚得民心以卓異入都

引援救公率兵勇三百人星夜疾行距浦城

三十里午飯於某紳家賊已偵知從小路邀

截兜圍公即被害兵勇鬪死者百餘人賊得

公之旗幟大轎紅傘及鄉勇號衣號燈乘夜

薄城呼門守陴者望見曰我公回矣開城門

半扇迎入以火照之賊坐轎中亂刀斫死急

呼閉門而大股賊如潮湧入兵民出其不備

死者萬餘人韓公死於城上城遂為賊踞劉

公名芳雲貴州安平人甲辰進士韓公名湛

廣東人

邃懷堂哀忠集

三編

三

昏暮遙燈睇目光虎賁狀貌混中郎賺城一閔豺狼  
入狹巷揮戈作戰場

新故將軍不夜行大同拒詔不開城書生莫恨無權  
術難與蒼蒼劫數爭

燭光中見義師旗輿蓋前驅更不疑誰料忠魂先化

鶴鬪饅首戴盡妖狸

崑岡玉石火俱焚痛定還思兩使君何處衣冠封馬

鬣冬郎墳與長卿墳

龍南縣知縣調署大庾縣知縣子將黃公

名榮庚福建長樂人庚戌進士

賊竄新城蟻陣屯

賊從信豐間道至大庾之新城一百二十里

健兒聯弩

法無存嶠山已朽梅銷骨橫浦誰招叔度魂一載繭

絲稱眾母九原僚友話

君恩

南郡殉節諸臣尚未詳悉姓氏

崇關

此日非天險今古情形莫等論

蘧懷堂哀忠集

三編

三

崇安縣知縣廩堂莫公

名自逸廣東

縣人

白鶴山前草木腥寶符兵解鍊真形王喬梅福皆循

吏一席分公坐幔亭

生近羅浮死武夷了然悟澈死生期成仙大半由忠

孝不待丹還九轉時

同知銜候補知縣代理崇仁縣知縣輝廷韓公

名彤文紹興府山陰縣人

葑屋逃亡鷄犬空巴山雉堞賊旗紅一聲南八男兒



死匹練靈光化白虹戊午八月十八日事南豐練車小營將八

罡風吹折大椿根棣萼柔條豈獨存重見卞家盱與

珍琴高石畔去招魂二子名春熙春齡隨父同殉南豐不願

此十候補府經歷代理定南廳同知孝寬姚公留

暗裏是名世恩安徽桐城縣人來登申並早

蓮塘地僻井烟疎水道提綱獨著書金陵頻年水患君著水道圖說

上大才藻東吳誇繡鳳家聲北闕佩金魚銜鬚温序

神偏暇年未三十長鬚如戟鐵來瑱恨未除戰守兩難身便

殉九天何處駐雲車高公

邃懷堂哀忠集三編高公

江南提標上海右營外委六品藍翎高公

輜論張公高公名步蟾松江府人張公名標太倉州寶

千里提戈侍票姚二君隨王叔彝觀察駐防玉黑雲

都裏最雄驍忠魂已結鴟夷伴來往申江早晚潮

壯士忘身聽鼓鞞豐溪移帳駐冰溪荒烟蔓草留疑

塚姓氏誰將尺碣題二君殉節大南嶺下賊退後餘

某丁病死今家屬來訪但丁某負屍至十里山掩埋未幾

見荒塚數十堆無從辨識南豐縣志重刊

候補主簿六品頂戴代理南豐縣事小魯孫公

名效曾安徽

縣人

勁旅皆移帳孤軍怯守陴王觀察移兵他枕戈難假

援城守空虛

寐懸釜已停炊白髮心成鐵朱顏肉作糜君伯父年六十餘及

夫人某氏同日殉節署中憐君才識裕任重奈官卑

追贈道銜江西候補直隸州知州衝勇巴圖魯峙衡

劉公

名騰鴻湖南湘鄉縣人

錦江波底沈洪鐘赤眉一萬登高墉五十六旬負嵎

虎飛樓擲銳城難攻將軍夙著大刀號明史劉綎人號劉大刀

遂懷哀忠集

三編

五

射馬射人飲弦倒令嚴部曲靜無譁父老壺漿拜迎

勞自謂羸官曾讀書身先士卒武侯教六年七月統

銳兵奉令收復筠州城出奇制勝獲三捷狂羆夜徙

飛山營土星犯角將星隕腰洞紅丸天不愍志決身

殲壯士悲花門斃面千秋憤君不見古來騎將無白

頭沙場效命未封侯何似莎車老都尉敗軍歸隱仍

騎牛

南安府知府季華葉公

名球安徽桐城縣人庚子科進士



崑岡玉石一炬中民今方殆天夢夢懷仁抱義腰領  
絕名垂霄壤同始終玉皇香案仙吏才一麾五馬辭  
蓬萊巖關搃坑大小庾運籌帷幄侯公來東西兩岸  
魚城峙中隔盈盈衣帶水紅巾千百裏獐頭前引長  
蛇後封豕金墉百雉齒齒齊火瓢飛焰燔繩梯誠徒  
佯退擾南野士皆釋甲無更驚忽聞鼓角地底鳴翻  
城賊騎馳縱橫太守徒步戰狹巷淋漓血肉埋深坑  
吁嗟乎西清視草公遭際橫浦捐軀公隕涕魂扶鵬  
背歸樅江手握犀旄掃妖孽

遂懷堂哀忠集

三編

六

鎮守南贛等處總兵官奇成武巴圖魯

劉

公

諱開泰福建人武進士

大江南北著戰功軍民羅拜呼元戎英姿颯爽力如  
虎六鈞手挽顏高弓貔貅甲帳移沙井

義甯州有地名沙井公駐

軍於

此刁斗邏巡深夜警裏瘡猶奪蚩尤旗寶刀誓斬

樓蘭頸將軍豪氣吞蛟螭唱籌糧竭誰能支兵符可  
惜不入手孤軍轉戰無援師黑雲低壓勾陳壘橋北  
橋南隔一水威聲能怖豺狼心酖毒忽忘蜂蠆尾旄

頭墮地櫪馬號忠魂控鶴歸神霄故園亦復延烽火  
閩嶠何人賦大招

留江委用道前翰林院編修

帥公

名遠 嶧湖北黃梅縣人七年十月在東鄉大南橋陣亡

靈谷山南汝水濱一軍宵潰遂殲身櫬槍尙助黃妖  
焰魂魄先飛碧血燐胸有智囊羅武庫腰亡寶劍悵  
延津遮須國主應瓜代徵到薇垣舊史臣

南安府學教授廸堂周公

名誥 饒州府人進士

邃懷堂哀忠集

三編

七

坐擁皋比作冷官晨昏苜蓿慣登盤齒牙曾嚼紅綾  
餅軀殼誰藏白石棺五緯文星光黯澹十年舊雨淚  
辛酸一家四口同時殉

長媳史氏等

魂返鄱陽月色寒

署南安營參將題補甯都營參將 卓公

名爾歡 滿洲某佐領下人

橫浦長橋蟻陣屯孱兵僅有半千存城危早誓捐軀  
首軍債終難報 主恩靈几刀環聲震座戰袍襟角  
血留痕燕山歸去迢遙路定見雲中跨鶴魂

知州銜前署新昌縣知縣

莊公



名丙熊甲辰舉人浙江人

兩湖知名士聲華海內稱一編詩未梓百里社遲膺

胥待風雲護人憐甲子增君年逾六秩戊午歲在省門識面與余談及詩稿

忠魂乘赤豹去逐九霄鵬

候補府經歷仁山周公

名自新四川人

西蜀曾題柱東吳又放舟囊沙思破楚君用土囊守吉安郡城其

功甚為王蔭齋太守糧臺記室年少人爭用才多鬼

若讐艸茅公論在野史孰旁搜俞芝田幕佐記君殉節事最詳

邃懷堂表忠集 三編 六

委署南安營守備勉亭盧公武庠生毅士盧公

勉亭名榮邦毅士名林瑞州府新昌縣人八年十一月守南安府城陣亡

金昆玉仲雙紫荆毀家紓難團鄉兵紅巾自閩竄南

贛羽檄調守雙魚城城中得此兩鐵漢大厦欲倒思

扶撐內濠鑿斷地中穴梯城那畏雷車轟惜哉天不

佑壯士霍雨十丈埔基傾登陴老幼盡啼哭兩君豪

氣猶崢嶸長矛刺賊眾辟易賊謀縛虎招投誠常山

嚼舌口嚙血橫浦鳴咽流悲聲嬌女菊珠婢招英揮

刀盡節冰霜清養子星照僕李榮相依患難同捐生

一門忠義魂騎跡手執象笏朝玉京  
軒慎勿忘其名

署江西建昌營遊擊揀發遊擊

麟公

名春

旗人

一旅形虛弱投鞭未斷流  
營連無七覆道險阻雙溝  
虜氣驕銅馬軍糧少木牛  
招魂靈谷嶺何處認兜鍪

揀發遊擊

長公

名德由佐領揀發遊擊七年十月在東鄉陣

北關方辭陞南州久駐師飛符燈下合浙米劍頭炊

邃懷堂袁忠集

三編

九

火箭穿重鎧颼輪折大旗見危能授命南八是男兒

候補千總守備銜

伍公

名連魁湖南鎮算人七年七月在新淦縣陣

盡節何須正首邱練公祠宇鬱松楸金沙江畔三更

月猶照忠魂帶劍遊

附生見吾周公增生葆田劉公

周公名時照湖南長沙縣人劉公名國珍湖南武岡州人七年七月皆在進賢縣遇賊不屈被害

蓮幙依劉幾度春玉梅花底詠詩人可憐妙擅青藤



筆畫本生綃化劫塵

山斗南豐負重名元戎座上共談兵提攜反墮紅羊

劫魂返芙蓉七寶城

湖北漢黃德道子蘭王公

堂識公

名壽同江蘇高郵州人壬子十二月武昌省城失守殉節

粵西有黃妖一夫力能縛養癰伊何人五省遍流毒

黃妖見後漢書卽黃巾賊江左生巨儒郡望琅琊屬問禮東海蕭

藏書濟南伏父子闡經訓桓榮授桓郁長公任監司

楚北政嚴肅道州圍未解銳意整艦舳沿江三百里

邃懷堂哀忠集

三編

三

烽堡高轟轟賊艦忽飛來帆掩湖光綠巍峩鄂渚城

磯險枕黃鵠青憤四圍攻面中弩機鏃堞樓烈火焚

殘卒環陣哭臣心抱惶悚臣力實窮蹙北向自芻頸

飢鳶飽血肉鶴背控歸魂世家認喬木誰作賽神詞

譜入湘靈曲

湖北按察使司按察使容堂瑞公

名元失守殉節

旗人壬子十二月武昌省城

繡衣直指出提刑賊艦馳來自洞庭劫火鍊成菩薩

骨仙曹歸證少微星孤忠鶴馭凌霄赤大節鸞闈照

汗青二妾一女同殉一忠武一軍恢復後甌山草木氣猶腥忠

指塔

虞生蔡公文煊武生魏公紹魁

皆南安府大庾縣人郡城將陷時兩家自燒

房屋俟婦女已入烈焰然後男子從之計一

盡者不計其數忠義節烈之氣上通於天矣

江右自賊擾以來所陷城邑甚多未有闔城

屠戮如南郡之慘者哀哉

遼懷堂哀忠集

三編

三

天雨血鬼夜哭雄虺九頭訓狐四目白晝跳梁夜啼

屋大禍將至妖孽興彼蒼示兆原哀矜胡爲目若無

見耳若無聞四方上下盡羅網骨肉一炬飛灰塵誰

爲司命東皇不知誰爲拯劫佛祖不慈哀哉弱翁子

孫伯喈齋披髮銜刀訴上帝若敖鬼餒無窮期吸露

餐風齧蘄蕙勸爾魂兮遊九冥義士結伴隨田橫海

島近接芙蓉城勸爾魂兮潛太陰鷲駝虬駟從屈平

手竦長劍指彗星茫茫十二萬年內善惡果報難分

明魂其錚錚兮無悲嘯於梅關之先塋



江甯府學教授 歐陽公

名晉常州府宜興縣人

鄭虔垂老鬢如絲取義成仁在此時白下江山都改  
色青衿弟子尚從師龍門空擬太平策馬帳先題絕  
命詩吏隱漫嘲餐苜蓿綱常名教一肩支

同作

丹陽 吉正常 瀛帆

江甯府學教授歐陽先生殉節詩

先生諱晉宜興人優貢癸丑正月二十日

權篆二月初十日聞北門失守題詩一絕

邊懷堂哀忠集

三編

三

日昔荷何堪抵蕨薇坦然全受亦全歸十  
年養得干霄氣化作貞魂一片飛用黃布

寫就蓋用學印交學書遂自縊

江左妖氛熾乾坤浩氣孤鉅公臨大節 江甯將軍 宗室祥厚

副都統霍隆武提督福珠洪 阿鹽巡道余文鈞被害尤烈 教授有真儒絕句千

秋在貞魂曠代無他年應廟食一死勵頑夫

江甯將軍宗室 祥公

諱厚

虎踞龍蟠地狼奔豕突時宗潢分節鉞義旅阻旌旗

督臣遠避樓船援師風阻  
不得進賊遂直撲金陵城  
忠魂眞結隊碧落共騎箕  
血灑征南將骸橫敗北師

江甯副都統

諱隆武

旗人

觀軍招討使唐制惟招討使  
使得加都統今不筦兵權梟獍徒三萬

鯨鯢眾八千魚門先落胄馬窟漫投鞭惟有陵霄氣

長虹亘赤天

江南全省提督

福公

諱珠洪阿

旗人

遂懷堂哀忠集

三編

三

慷慨章長倩提軍殉石頭天關將震裂地軸尙窮搜

賊入城搜殺雞籠雁門江月暈連雞雁甯府二山名星光闔斗牛

倉皇忠義骨灰燼問誰收

江南鹽巡道

名文鈞

人

監郡隆聲望前騶護隼旗櫻城千里失報 國百年

虛控鶴歸瑤闕啼猿畏簡書無窮流寇恨泉下尙歛

獻

前浙江樂清協副將雨生湯公



名貽汾江蘇武進縣人寓居金陵辦防堵事  
宜咸豐三年二月初十日城破殉節次女嫁  
王氏歸省在  
家亦投塘死

緩帶輕裘作寓公秦淮花月入詩筒壯心未老身先

死空羨文淵雙鑠翁

曾讀離騷拜左徒雙池清比莫愁湖投塘愛女同攜  
去留得冰心映玉壺

同作

湯雨生都督殉節詩

丹吉正常 瀛帆

都督諱貽汾武進人祖大奎由進士官福

遂懷堂袁忠集

三編

五

建鳳山令遭林爽文之難在任殉節入祀

昭忠祠父荀業監生隨任鳳山同時殉難

入祀忠義孝悌祠貽汾由世襲雲騎尉仕

至浙江樂清協副將工詩善書有儒將風

引疾回籍僑寓金陵客冬諭辦防堵事宜

迨逆匪圍城隨同文武率勇登陴力竭矢

窮於咸豐三年二月初十日城破援筆賦

絕命詞云死生輕一瞬氣節重千秋骨肉

非甘棄兒孫好自謀故鄉魂可到絕筆淚

難收藁葬毋子慟平生積罪尤於十一日

丑時聳身入雙池塘內其次女王氏歸省

在家亦投池畢命

白門玉石竟同焚正氣堂堂獨不羣裹革孤忠傳

再世成仁大節冠三軍故鄉何處堪埋骨海上當

年舊建勳水到秦淮倍倍嗚咽英靈風雨夜深聞

吳淞營外委家野漁弟

名增江蘇寶山縣人咸豐三年六月十三日在京口禦賊陣亡蒙恩賜卹世襲雲騎尉

前軍已潰貳師營誤認雕旗是援兵江捲黃濤天欲

遂懷堂哀忠集

三編

三

蕩紫營江背距黃天蕩三十里身眠碧草馬猶鳴微官報國忘

妻子異地招魂泣弟兄憐我伯霜頭白盡罡風吹折

一枝荆

景德鎮同知益庵王公

名順曾順天大興人

登樓作賦久思鄉司馬青衫鬢已蒼五載軍儲勞會

計君在軍需局會計精密為上官倚重一湖賊浪送皮囊賊至君先自縊為賊刳腹

擲屍鄰湖鞞摩遭劫天難問燕領無材事可傷棣萼情深

隔江粵令弟在粵東禦賊陣亡重泉相見淚沾裳



雲都縣歲貢生溟池張公

名鵬舉團勇禦賊屢獲勝仗七年秋賊竄崑嶺公訓練之田勇大半調赴長甯安遠兵單被擒罵賊不屈將四體分裂慘不忍言

鉅公團練虛名好一斗黃金十日耗聞有田間子弟  
兵羽檄飛來速徵調聲言脣齒要相維那管蟲沙郎  
相弔張公怒髮上指冠呼天早賜王喬棺同心義旅  
被人奪倉皇自保孤城難愁雲畚嶺盤如墨嚼舌常  
山血流碧九閩英魄控鸞歸四體何須包馬革吁嗟  
張公邦之傑

遂懷堂哀忠集

三編

三

選授雲都縣知縣軻齋顧公

名友仁直隸舉人咸豐六年五月督勇奪復  
縣城為賊戕害七年縣城復陷闔家殉難

使君功著灌嬰城漢高帝令灌嬰築城以防沙寶山  
前戰鼓鳴銀隘光銷空逐兔玉樓符召忽騎鯨半年  
墨綬黃梁熟四野紅巾白骨橫碧血全家啼杜宇灘

流十八助哀聲

候補縣丞玉叔許公

名彤封浙江人六月五月在雲都督勇  
勦賊力竭遇害

素鍊冰霜骨能堅葵藿心沙飛燐火亂血戰陣雲深

濯髮東溪水招魂下磔岑微官知報國愼彼貫華

簪

選授雩都縣知縣翰華楊公

名蘊藻山西舉人七年十一月雩都縣城復陷公守城被害

前車覆轍事酸辛馬竈徒隨足後塵方喜兒童迎郭

伋忽驚將士哭張巡樓名鐵漢無雙士果證金剛不

壞身何日令威重化鶴徘徊城郭弔遺民賊恨地方團練城中

屠戮六七千人

賞加道銜候補同知炯齋陳公

邃懷堂哀忠集

三編

七

公諱徽言雲南劍川州人咸豐七年十月初九日在東鄉縣之大南橋陣亡年三十一歲

著有湖海詩存南粵游記武昌紀事等書同陳明亮陳曾二君皆湖南人咸豐二年公

尊甫吏部公歿於襄贊軍務三年隨文愍公投江文愍公麾下襄贊軍務三年隨文愍公

解江西圍城六年帶虎字營收復瑞撫各郡縣大南之役為庸鎮先逃

掣全軍皆沒庸鎮先逃

羽檄高文手剪裁本初幙下孔璋才陣雲深處吟詩

句礮火飛來入酒杯忠孝傳家無所恨英雄齋志實

堪哀滇南萬里遲歸櫬豈料公先裹革回歸櫬句指吏部公

署新昌縣知縣候補知縣永荃趙公



名樸庭江蘇陽湖縣人十一年六月守新昌  
縣城勇潰殉節

康樂城邊路歸神謁紫闈公已投井自盡家人援救

被斫出之氣尚未絕適賊蜂至  
四刀軍情難逆料心迹要公論英爽旄頭氣迴翔鶴

背魂最憐忠義骨碧草已生根

### 保舉鹽課大使宏士沈公

名鶴清江蘇常熟人家世清貴投劾南康周  
太守軍營咸豐五年冬粵匪竄圍吉安擾及  
萬泰君隨太守往勦於泰和西門外陣亡年  
十八歲

烏衣子弟度翩翩能讀陰符上下篇死後孝心泣鵲

血君屍遍體受傷左耳割去越七日始殮  
乃翁撫屍而哭君眼中迸出鮮血甚多生時壯氣

### 遂懷堂哀忠集 三編 天

躍龍泉名留王粲英雄記人惜終軍弱冠年豈爲藏

珠割左耳事見華陽  
洞天志一樽椒醪醉琴川

### 孝廉君彝徐公附生雪航謝公增生純佩傅公

徐名朝璽己亥科解元咸豐六年賊踞撫州  
同雪航諸君督辦鄉團九月官軍失利投水

死謝名恩溥自粵寇起終日憂憤人皆笑爲  
迂六年九月率鄉團禦賊墜車而死傳名熙

咸豐十一年夏汀州潰勇劫掠縣城君率鄉  
兵援救力不能敵遂遇害三公皆金谿人

桂林不惜一枝芳北闕猶思上疏章人重鬪生紆國

難天徵長吉返仙鄉杜鵑血向津橋灑精衛魂猶海

若藏慷慨同袍能倡義百身咸願贖三良

貴州提督 孝公

諱順漢軍 旗人廉威素著屢殲粵匪適  
大股賊圍城兩月餘餉援皆不繼兵勇潰散  
公憤極燃砲自擊死

歎息文臣筭餉權軍前緩急事茫然儲胥原待風雲

護庚癸難教頃刻延報 國心腸盟皎日焚身血肉

化飛煙債軍半為餓糧塌今古英雄淚湧泉

職員

余公

名業經金谿人少年服賈湖湘咸豐六年歸  
里倡義團勇後因餉絀不支乃往貴溪招集  
撫安軍每村安置三十人族人皆樂從聲勢  
頗壯八年夏郡城敗賊猝至與其子力戰死

遠懷堂哀忠集

三編

三

袁茗亭前路俄成蔓草堆溪連廣陵埠魂返譯經臺  
骨肉同歸慘軍營噩夢哀少年誇義勇原為請纓來

節婦黃陳氏節婦周徐氏節婦李吳氏

黃陳氏金谿貢生陳必達之女宜黃庠生黃  
秩沅之繼室六年避寇來母家借居坪上村  
村多巨族數與賊鬪賊銜之八年夏賊大至  
殲其族陳氏匿樓中恐為賊見受辱自縊死  
周徐氏金谿生員徐觀顏之女童生周咸喜  
之婦六年九月寇掠其村氏懼受辱先投水  
死李吳氏南城童生李繼祖之婦六年賊寇  
將陷郡城婦以姿容尚少先投水死

東海之波有時竭南山之石有時泐惟有青閨白壁

心萬年皓月懸霄闕百六運乾坤塞紅羊來蒼鵝出



扶輿正氣毓偉人不鍾男子鍾巾櫛君不見臨汝流

芳三節烈

孝廉一士蹇公

公名諤貴州遵義府人以寒士捐產募勇千餘人禦賊經數十戰體被十餘創猶手刃數賊力竭而死賊卽夜襲公家有二女獨不肯避出迎賊目治酒與飲誘至房中殺之遂自刎死蹇公屍十餘日後家人始覓得見有烏鴉數百集護其上面色如生

蹇公文士而兼俠士風蹇公二女巾櫛而英雄破家募勇衛桑梓賊心久欲致公死夜深豺虎窺村坊公叱二女速遠颺涕泣長跪抱爺膝願與阿爺俱存亡

邃懷寰哀忠集

三編

三

黃衣賊目戕吾父眼最認明心最苦迎門笑語延入房大人勞倦觴且舉室有紅燈樽有酒須與鮮血十指淋提出長毛兩賊首從容自刎不倒塵閃閃目光猶射斗全我冰雪無瑕身忠孝智勇出一門烏鴉七日護屍體真宰下觀亦慘神君不見孫翊妻報夫讐謝小娥報父讐芳名青史輝陽秋蹇家父女俎豆牂柯郡不廢江湖萬古流

童生

曾公

名長清南城人咸豐七年秋隨帥逸齋觀察進勦撫州至將軍嶺陣亡年二十歲

不用橫經與力田  
票姚幙下侍  
毀鏈紅旗夜  
捲將軍嶺  
汪踣魂歸正少年

貴州提督詩橋佟公

公諱攀梅漢軍旗人屢立戰功以援餉不繼陣亡

材官身手豹頭姿  
曾與元戎共出師  
氣數在天眞莫挽  
英雄無命欲何爲  
班生塞外揚威遠  
蕭相關中轉饒遲  
博得軍民皆痛哭  
倉皇馬革裹屍時

貴州署開州知州寅谷石公

公名虎臣雲南署篆開州咸豐八年賊大股攻城請援不至人進士由卽用知縣

遼懷堂哀忠集

三編

三

兵潰力戰死年三十四歲

全城三年書生籌筆破城一旦上官失策大吏之瞋  
瞑不如小吏之錚錚嗚呼石公死猶生雲車仍返芙蓉城

芙蓉城

原任湖北布政司子芳唐公

公諱樹義貴州遵義人乞休家居粵逆撲楚北起公辦理軍務輿櫬誓眾以行戰沒於武昌之役

馳驅王事義難違  
輿櫬從戎淚暗揮  
七澤烽煙龍劫到  
三湘征調虎臣稀  
鄂王城上鵑聲苦  
太白樓前鶴



夢歸襟割戰袍他日認收公骸骨一獻歛

原任陝西布政使司于俊陶公

諱廷杰都勻人咸豐六年八月十三日粵逆  
數萬圍都勻署守鹿丕宗約公及前淮海道  
周燾籌策防禦公與周誓以家產給兵民口  
糧一面飛章告急且求發兵速援而省垣漠  
然也七年八月鹿公撤任石丞署守石帶勇  
數百來受篆九月初二夜三鼓城門忽大開  
賊潮湧而入石急呼勇頭何在勇頭躍出大  
呼曰在此卽手斫石頭徇於眾曰敢動者如  
此妖鹿公投池死方伯亦自縊周先於三月  
病沒上官但以鹿石二人吝糧致變報聞而  
已

香爐烽峻干青霄蠻陬八寨多鴟梟都雲民物尙饒

遼懷堂哀忠集

三編

三

庶逆匪數萬來圍抄古聞良將守邊鄙地險區區安

足恃郡縣更調如舉棋兵盡餉窮事去矣蓼蓼三鼓

城大開城未開時賊已來石公招勇反招賊受人愚

弄同嬰孩倉皇變起無一籌太阿柄倒身爲囚急呼

勇頭在何處勇卻有頭官無頭鹿公雖無功心跡沈

淵清石公誠寡識何至被惡名吝糧致變定爰書地

下微臣恨有餘吁嗟乎歸田未種淵明秫牽累出山

仍殉國

貴州畢赤營把總六品銜

周公

名起瑣畢節人爲人頗具膽識以書識從烏  
都統來援江西屢立戰功洵升把總加六品  
銜後戰沒於九江府德化縣

戰鎧猶黏舊血斑夢中踏破賀蘭山誰知南國師無  
律客將心傷骨不還

黃朱氏名淑鳳號芙卿別號簪花女史南城戊

辰進士朱教授華臨公之第四女年十九歸

金谿黃司訓麟之子春魁事舅姑以孝聞後

因教授公夫婦相繼病歿氏痛不欲生遂得

癩疾春魁教其學詩以寫憂思時已三十歲

邃懷堂哀忠集

三編

三

著有簪花閣詩鈔若干卷其婿春魁茂才余

鄉闈分校所薦士乞余序其詩並述女史言

曰妾詩非夫子不可序當今非夫子亦莫能

傳妾詩也復學爲蛺蝶花鳥寫生諸技渲染

鮮豔遠邇慕之咸豐十一年七月與國股匪

回竄撫郡如蜂蟻入村氏守姑不去後恐被

擄投樓下井中死

雪腕冰心墨寶妍殉姑懷石自沉淵蘭閨亦願傳衣

鉢淚灑簪花序一篇簪花閣女史詩鈔序余刊入  
邃懷堂文集中人頗傳誦



甌香花鳥繼鷗波成佛生天慧業多蝴蝶冰紈今在

手月中何處弔湘娥

女史隨夫寓省垣繪蝴蝶便面作贊拜余婦爲師自稱詩弟子

胡黃氏名簾珠號沅芳別號一花女史金谿丙

女

子舉人黃司訓麟之女年十三大父病篤私

不

割股和藥以進年十九歸東鄉癸未進士胡

農曹長子業恆丁酉業恆膺拔萃科遊學四

方氏益肆力於史傳尤邃全唐詩文人號稱

女博士丙辰逆寇出入撫郡業恆以孝廉督

辦鄉團爲賊所忌氏遷徙播越困苦備嘗然

邃懷堂袁忠集

三編

書

處之晏如也辛酉七月興國股匪爲官軍擊

敗回竄撫州二十日至許灣女史守母勿行

及賊至村同居弟婦朱氏先躍入堂後井中

女史繼之三日後出諸井猶攜手不分云

不櫛關家妹能文甄氏才苦心茹檠蓼正氣感風雷

汝穎華楣舊詩書淑質培禮宗拜圖畫貞骨雪中梅

丁香黃氏年十四歲高安訓導夢花黃君之女

手

寇深時隨從祖姑戴氏出避遇賊於槐樹村

香

同躍入池中死

心懷汪綺忠年比曹娥幼肅肅林下風婉婉閨房秀  
紅巾滿衢路大義身知守呼父聲不膺呼母魂難覩  
時母朱夫人 七尺清冷溪畢命眞無垢他年華表鶴  
已投井死 飛回羽衣玉珮仙姬瘦

德安縣典史輯甫王公

名廷瑞直隸大城縣人咸豐四年七月賊陷  
德安君與巷戰力竭遇害

琅邪家世重津門豹略趨庭細討論君尊人廣泰協  
鎮在南昌任時  
訓練士卒 紀律甚嚴 夜半溢山猿鶴嘯佩刀何處去招魂

黑山鐵騎滿郊珂敢說微軀殉闕廷夫是忠臣婦貞

邃懷堂哀忠集

三編

三五

女有人灑淚過蒲亭

君婦粵東范氏結褵未及十日  
君卽赴任德安守城殉難范氏

今守節  
母家



